

Najlakše je reći 'nema para' – a para ima

Za društveno korisne projekte u Živinicama odmah imamo 3.650 KM!

A kako? Vrlo lako:

- Ako imaš ideju kako poboljšati život u svojoj zajednici, prijavi projekat do **10.9.2018. godine do 14:00h.**
- Upravo je zajednica ta koja bira pobjednike i glasa za projekte od **24.–30. 09.2018. godine**
- Pobjednici su oni projekti s najvećim brojem glasova (**minimalno 50**)

Prijavi se ako:

- 1) Okupiš grupu od 3–7 članova i članica između 17 i 35 godina
- 2) Svi se registrujete u **LONAC.pro**
- 3) Želite da provedete projekat na teritoriji općine Živinice
- 4) Od Omladinske banke vam treba minimalno 500 KM, a maksimalno 1.500 KM
- 5) Pojedinci, preduzeća, ustanove, nevladine organizacije će podržati vaš projekat u robi ili novcu ili uslugama u iznosu od 50–200% od traženog iznosa
- 6) Projekat ćete provesti u periodu **od 10.10–10.12.2018. godine**

Pored toga, projekat treba da:

- 1) Koristi zajednici u kojoj se provodi
- 2) Okuplja volontere i volonterke i ima dodatnu vrijednost – inovativan je, uključuje one koji su tradicionalno isključeni, ima pozitivan uticaj na okoliš, pazi na ravnopravnost...
- 3) Može da se provede u okviru navedenog vremena, sa ljudskim resursima i traženim budžetom koji je realan, detaljan i odgovara opisu projekta.

Omladinska banka neće razmatrati projekat:

- Ukoliko ga podnosi jedna osoba, nevladina organizacija, politička partija ili javna institucija
- koji poziva na bilo koji oblik nasilja i diskriminacije ili promovira alkohol, droge ili nezdrav način života
- U čijem budžetu su planirane plate i honorari za vas koji provodite projekat, te nabavka oružja (čak i ako je u sportske svrhe) ili opreme koja se povezuje sa naoružanjem

- Kojem je svrha nabavka elektronske opreme. Ukoliko je kupovina elektronske opreme neophodna, u izuzetnim slučajevima može biti odobrena u iznosu višem od 30% od dodjeljenog granta.
- Ako troškovi ne mogu biti plaćeni preko žiroračuna
- Čiji troškovi pokrivaju iznajmljivanje opreme od fizičkih lica

Evo šta je još bitno:

- Da bi projekat bio razmatran potrebno je da najmanje tri osobe iz projektnog tima kliknu na Pošalji do **10.09.2018. (do 14:00 h)** i status prijave mora biti *U provjeri*
- Svoj projekat počni na LONCU u dijelu [GRANT OB PROJEKAT](#)
- Ukoliko projekat pobijedi u kampanji, grupa je u obavezi dostaviti potvrde koje dokazuju doprinos zajednice te saglasnost za rad, ukoliko je potreban od vlasnika prostora/nadležne institucije

I za kraj, ne brini kako treba osmisliti i napisati projekat, napisali smo odličan vodič u kojem sve objašnjavamo korak po korak – [Kako do projekta Omladinske banke](#).

Također, pročitaj više i o [Omladinskoj banci Živinice](#) te ko su članovi i članice odbora koji rade prvi krug selekcije.